



## РОСТИН АЙТСАМ, КЎКСИМДАГИ ДИЛИМ ЯНГИ

“Янги Ўзбекистон” боғида Наврўз байрамига бағишланган тантанали тадбир бўлиб ўтди



Наврўз — шарқона йил боши. У табиат томонидан тайин этилган байрам. Наврўзда ёруғлик галаба қилиб, кун узаяди. Кўёш тафти табиятни уйғотади. Деҳқонлар яхши ният ила ерга уруғ қадайдди. Богбонлар ниҳол экади. Бутун эл қўлини дуога очиб, дарёлар сувга, хирмонлар донга тўлишини сўрайди.

Бу улуг кунда инсон қалби ҳам кўёшдай порлайди. Яхшилик қилиш соғинчи тугилади. Қалбимиз табиятда бўлгани каби янгиликни эҳтиёж сезади. Инсон ва табиат бир бутун эканини теран ҳис қилади. Шулар ҳақида ўйлар эканман, Ўзбекистон халқ шоири Сирожиддин Саййиднинг “Наврўз кўшиги” шеъри ёдга тушади:

*Бир куртакка алмашдим бор ҳасратимни,  
Олам эски, лекин ўнгу сўлим янги.*

Бенхтиёр ҳамроҳларимга қарайман. Уларнинг юз-кўзида қувонч, сурурли кунлардан масрурлик балқиб турибди. Айни дам олдиндаги манзил — “Янги Ўзбекистон” боғида элтадиган равион йўлда улловимиз ёлиб боради.

Байрам тадбирини келатганлар орасида сенаторлар, депутатлар, ҳукумат аъзолари, давлат ва жамоат арбоблари, илм-фан, маданият ва санъат намояндлари, тадбиркорлар, нурунийлар, ёшлар, худудлардан

келган меҳмонлар, хуллас, кенг жамоатчилик вакиллари бор.

Улар қаторида биз ҳам боққа кириб борар эканмиз, атрофдаги гўзаллик, яшил олам диққатни тортади. Катта йўл чети ва боғ худудига деярли бир вақтда кўчат қадалган эди. Улар кўзимга бирдан ён-атрофга соя ташлайдиган катта дарахтга айлангандай кўринади. Ваҳоланки, ҳар кун шу йўл орқали уй ва ишхонам орасида қатнайман. Кўравериб, кўз кўникиши рости экан. Доим шу ердан ўтганим боис, кўзим ўрганган. Энди Наврўз сабаб атрофга синчиклаб назар ташлаганимда, ҳаётимизда қанчалик катта ўзгаришлар

бўлганини ҳис этаман. Бу натижаларга эса “Авесто”да битилганидек, эзгу фикр, эзгу сўз, эзгу амал ила эришиб келатганимиз ҳам рости. Шукрки, бу ўлмас ақида ҳар биримизнинг ҳаётимизга кўчиб ўтмоқда. Наврўзнинг абадийлиги сири ҳам ўша эзгуликка эш экани билан боғлиқ. Токи замин узра кўёш порлар, фаслар алмашар, инсон қалбида яхшилик соғинчи эртанги кунга бўлган ишонч барқарор экан, Наврўз яшайверади!

Муаззам “Янги Ўзбекистон” боғида ташкил этилган байрам тадбирида Президентимиз Шавкат Мирзиёев иштирок этиб, халқимизга Наврўз табригини йўллади.

**“Наврўзи олам 3 минг йиллик давлатчилигимиз тарихида ўзининг беқиёс маънавий аҳамияти билан ҳамшиша алоҳида эътибор топган буюк байрамдир.**

**...Наврўзнинг бетакрор гўзаллиги, инсонпарварлик руҳи ва теран фалсафаси глобаллашув даврида ҳам бутун башариётни ҳайратга солаётгани унинг азалий моҳияти ва ҳаётбахш кучидан далolat беради”,** деди давлатимиз раҳбари.

Бу сўзларни тинглаб, рўпарамдаги чўққига кўз тикаман. Елкасида кўёш балқиб турган тоғлар мағрур боқади. Оқ соч тоғлардан берида ўнга яқин юк кранлари кўринади. Улар “Оқ теракми, кўк терак?”

ўйнаётган болалардай бир-бирига “қўл” чўзган. Бу техникалар ёрдамида Янги Тошкент бунёд этилмоқда. Шунинг ўзиёқ тинчлик ва фаровонлигимиз белгисидир.

Юк кранларидан берида — Мустақиллик монументи узра варрақлар парвози кўзни қувнатади. Байрам тадбири бўлаётган майдон четида эса дор тортилган. Унда лангарчўп ушлаган дорбоз бола у ёқдан-бу ёққа бориб келиб, ўйин кўрсатади. Дорбозлик ҳам Наврўз каби қадим қадриятимиз. Дорда юриш орқали аждодларимиз ўзининг нечоғлиқ эпчил ва кўрқмас эканини кўрсата олган.

▶ Давоми 3-бетда

## ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ НАВРЎЗ УМУМХАЛҚ БАЙРАМИГА БАҒИШЛАНГАН ТАНТАНАЛИ МАРОСИМДАГИ ТАБРИК НУТҚИ

Ассалому алайкум, азиз ватандошлар! Мухтарам фахрийлар, қадри ёшлар! Мунис опа-сингиллар, хурматли меҳмонлар!

Сиз, азизларни, кўпмиллатли бутун халқимизни қадимий ва ҳамшиша навқирон байрам — Наврўзи олам билан чин юракдан самимий муборакбод этаман.

Бугунги мунаввар кунни элу юртимиз билан тинч ва хотиржам кутиб олаётганимиз учун Яратганга чексиз шукроналар айтаман.

Бу йилги Наврўз муқаддас Рамазон ойида, унинг табарруқ фазилатларига уйғун ҳолда ўтаётгани байрамга алоҳида руҳ, ўзгача фойз ва қувонч бағишламоқда.

Қалбларимиз шодликка тўлган шундай барокатли кунларда юртимиз мўмин-муслмонларини, бутун ислом умматини Рамазонни шариф билан яна бир бор қўтлаб, жамикан пок ниятларимиз ижобат бўлишини тилаймиз.

Хорижий мамлакатларда она юрт меҳри ва соғинчи билан яшаётган ватандошларимизни ҳам чин дилдан табриклаб, самимий тилакларимизни изҳор этаман.

Шундай шукўҳли ва улуг кунлар барчамизга муборак бўлсин!

Қадри дўстлар! Наврўзи олам 3 минг йиллик давлатчилигимиз тарихида ўзининг беқиёс

маънавий аҳамияти билан ҳамшиша алоҳида эътибор топган буюк байрамдир.

Ушбу бебаҳо айём ҳақида битилган илмий-тарихий ва бадиий асарлар шу қадар кўпки, улар ҳақли равишда миллий меросимизнинг ўлмас дурдоналарига айланган.

Халқимиз асрлар давомида оғир ва машаққатли, синови пайтларда ҳам бу байрамни олижаноб табиати ва қадриятлари билан асраб-авайлаб келгани чинакам мўъжизадир.

Наврўзнинг бетакрор гўзаллиги, инсонпарварлик руҳи ва теран фалсафаси глобаллашув даврида ҳам бутун башариётни ҳайратга солаётгани унинг азалий моҳияти

ва ҳаётбахш кучидан далolat беради. Айниқса, инсоннинг табиат ва борлик билан уйғунлиги, яратувчанлик иштиёқи, гайрат ва шижоати, ўзаро ҳамжиҳатлик, меҳр-оқибат ва саховат каби олижаноб фазилатлари Наврўз тимсолида янада ёрқин намоён бўлади.

Наврўз кунларида бободоҳқонларимиз ризқ-рўзимиз, дастурхонимиз кут-баракатини ўйлаб, она заминга ўз меҳрини беради, мўл ҳосил олиш ниятида қаттиқ бел боғлайди.

Шу маънода, Мир Алишер Навоий бобомизнинг **“Деҳқонки, дона сочар, ерни ёрмоқ билан ризқ йўлини очар”**

деган сўзларида чуқур ҳаётий маъно мужассам.

Кўнглимизда меҳнат ва ижод, уйғониш ва яшарлиш завқи тобора кучайиб бораётган мана шундай баҳорий лаҳзаларда миришкор деҳқон ва фермерларимиз, боғбон ва чорвадорларимизга алоҳида эҳтиром изҳор этаман.

Ҳеч шубҳасиз, юксак бунёдкорлик руҳи Янги Ўзбекистонимизда амалга оширилаётган улкан ислохотлар ва жадал ўзгаришларнинг асл мазмуни ҳамда эзгу гоёларига ҳамоҳанддир.

Бутун мамлакатимизда инсон қадрини улуглаш, ижтимоий адолат тамойилларини

мустаҳкамлаш, аҳоли даромадлари ва турмуш даражасини юксалтириш йўлида қатъий қадамлар қўймоқдамиз.

Юртимизда кўплаб замонавий sanoat тармоқлари, автомобиль ва темир йўллар барпо этилмоқда. Бизнес, IT ва туризм соҳалари жадал ривожланмоқда. Минглаб янги иморат ва уй-жойлар, боғча ва мактаблар, олийгоҳлар, шифохоналар, маданият ва спорт масканлари бунёд этилмоқда. Шаҳар ва қишлоқларимиз, бутун юртимиз қиёфаси тобора гўзал ва обод бўлиб бормоқда.

▶ Давоми 2-бетда

Инсоният тарихидаги энг қадимий байрамлардан бири — табиат уйғониши, янги ҳаёт ва яшариш рамзи бўлган, кўпмиллатли халқимизга хос бўлган эзгулик, меҳр-оқибат, саховат ва ғамхўрлик, бунёдкорлик, она замин ва атроф-муҳитга эҳтиёткорона муносабат каби фазилатларни ўзида мужассам этган Наврўз байрами кириб келиши муносабати билан Ўзбекистон Республикаси Президенти номига хорижий давлатлар ва ҳукуматлар, халқаро ташкилотлар раҳбарлари, таниқли жамоат арбобларидан самимий табриклар келмоқда.

Хорижий ҳамкорлар ўз мактубларида юртимизда ҳукм сураётган тинчлик ва осейишталик, барқарор ривожланиш, дўстлик, тотувлик ва яхши кўшничлик муҳитини юқори баҳоламоқда. Тинчликсевар ва прагматик ташқи сиёсат туфайли Ўзбекистоннинг халқаро майдондаги нуфузи тобора ортиб бораётгани алоҳида таъкидланиб, Янги Ўзбекистонга равақ тилаклари изҳор этилган.



**Ўзбекистон Республикаси Президенти Шавкат Мирзиёев Жаноби Олийларига**

Хурматли Шавкат Миромонович! Баҳор айёми — Наврўз муносабати билан энг самимий табрикларимни қабул қилайсиз.

Россия — Ўзбекистон муносабатлари стратегик шериклик ва иттифоқчилик руҳида муваффақиятли ривожланмоқда. Биргаликдаги сўй-ҳаракатларимиз билан ўзаро манфаатли икки томонлама алоқаларни бундан буён ҳам дўст халқларимиз фаровонлиги, Марказий Осиёда ҳавфсизлик ва барқарорликни

мустаҳкамлаш йўлида фаол ривожлантираман деб ишонаман.

Ушбу қутлуг айёмда Сизга, мухтарам Шавкат Миромонович, чин қалбимдан мустаҳкам соғлиқ ва муваффақиятлар, Ўзбекистоннинг барча фуқароларига эса бахт-саодат ва фаровонлик тилайман.

Хурмат билан,  
**Владимир ПУТИН,**  
Россия Федерацияси Президенти



**Ўзбекистон Республикаси Президенти Шавкат Мирзиёев Жаноби Олийларига**

Мухтарам Президент жаноблари!

Ўзбек халқининг анъанавий Наврўз байрами муносабати билан Хитой ҳукумати ва халқи ҳамда ўз номимдан Сизни, Ўзбекистон ҳукумати ва халқини самимий муборакбод этаман.

Минг йиллик тарихга эга Наврўз баҳор келиши ва табиат уйғонишини ифодалаб, ўзбек халқининг бахтли ҳаётга, эл-юрт бирлигига ва равақига интилишини акс эттиради.

Ўтган йил июль ойида Остонада бўлиб ўтган ШХТ саммити доирасида самимий ва дўстона учрашувимизда Хитой — Ўзбекистон муносабатлари ва тури соҳалардаги ҳамкорликни янада ривожлантириш бўйича муҳим келишувларга эришдик, икки томонлама алоқаларнинг янги йўналишларини белгилаб олдик.

Эришилган келишувларимиз самарали амалга оширилаётгани, икки давлат ўртасидаги ўзаро манфаатли ҳамкорлик изчил

мустаҳкамланиб, эътиборга лойиқ натижалар бераётганини мамнуният билан таъкидлайман.

Мен Хитой — Ўзбекистон муносабатларини ривожлантиришга катта аҳамият бераман ва яқин дўстлигимизни юксак қадрлайман. Сиз билан биргаликда барча соҳалардаги ҳамкорликни илгари суриш, Хитой ва Ўзбекистоннинг ягона тақдир ҳамжамиятини барпо этиш ишларини бойитиш учун ҳаракат қилишга тайёрман.

Фурсатдан фойдаланиб, Сизга, Жаноби Олийлари, мустаҳкам соғлиқ, оилавий бахт-саодат, давлат раҳбари сифатидаги масъулиятли фаолиятингизда муваффақиятлар, дўст Ўзбекистон халқига эса тинчлик-осойишталик, бардавом тараққиёт ва фаровонлик тилайман.

Хурмат билан,  
**Си Цзиньпин,**  
Хитой Халқ Республикаси Раиси



**Ўзбекистон Республикаси Президенти Шавкат Мирзиёев Жаноби Олийларига**

Мухтарам Президент жаноблари!

Америка Қўшма Штатлари халқи номидан Сизни ва бутун Ўзбекистон халқини ажойиб Наврўз айёми билан табриклайман. Бу барча учун тинчлик, фаровонлик ва янгиланиш байрамидир.

Мамлакатларимиз ўртасида мустаҳкам ришталар ўрнатилганлигини юксак қадрлайман ва Сизнинг изчил ислохотлар дастурингизни олқишлайман. Савдо алоқаларимизни кенгайтириш ва замонамизнинг энг йирик муаммоларини ҳал этиш йўлида ҳамкорлик қилишни интиқлик билан кутаман.

Буюк давлатларимиз равақ сари интилаётган бир пайтда Америка Қўшма Штатлари Ўзбекистоннинг суверенитети, мустақиллиги ва худудий яхлитлигини доимо қўллаб-қувватлашга содиқ бўлиб қолади. Наврўз муборак!  
Чин дилдан,

**Дональд ТРАМП,**  
Америка Қўшма Штатлари Президенти

▶ Давоми 2-бетда



Қадриятларинг боқий бўлсин, Наврўз!

# РОСТИН АЙТСАМ, КЎКСИМДАГИ ДИЛИМ ЯНГИ

Бошланиши 1-бетда

Бугунги глобал дунё ҳам, таъбир жоиз бўлса, ўша дор йўлига ўхшайди. Ана шундай мураккаб геосиёсий жараёнларда лангарчўпни тўғри ушлаб, мувозанатни сақлаш олиш жуда муҳим. Янги Ўзбекистонда лангарчўп — Наврўз каби қадим қадриятларга таяниб иш кўришмоқда. Ички ва ташқи сиёсатдаги ютуқларимиз сири ҳам шунда.

Дарвоқе, тантанали маросим бошланишидан аввал Мустақиллик монументини яна бир бор кўздан кечирдим. Давлатчилигимизнинг 3 минг йиллик тарихини ўзида жамлаган ушбу монументни орқича таърифлаш ниятим йўқ. Гап шундаки, унга боқиб, минг йилликлар қаъридан нидо бераётган аждодларимиз билан ўртамизда ажиб бир ўхшашлик борлигини пайқадим. Бу уйғунлик — Наврўз соғинчи!

“Авесто”нинг эзгулик ғоясидан тортиб, Беруний, Бухорий, Алишер Навоий, Мирзо Бобур ва Абдулла Орипову Эркин Воҳидов ижодигача бўлган барча асарлар ана шу соғинчи, яхшилик ва ҳаёт-севарликни тараннум этган. Бу халқимиз фитратиди яхшиликка, наврўзона туйғуларга ошфталлик борлигидан далолат. Улар ҳам янги Ўзбекистоннинг фидойи инсонлари каби бунёдкорлик руҳи билан яшаган. Шу боис, юртимизда амалга оширилаётган улкан ислохотлар ва жадал ўзгаришларнинг асл мазмуни ва эзгу ғоялари Наврўзга ҳамоҳанг, десак муболага бўлмайди.

Тан олиш керак, кейинги йилларда мамлакатимизда амалга оширилаётган ислохотлар инсон қадрини улуглашга қаратилгани билан аҳамияти. Бунинг учун, аввало, ижтимоий адолат тамойилларини мустаҳкамлашга алоҳида эътибор қаратилди. Ёрдамга муҳтож инсонларга аниқ манзилли кўмак беришнинг самарали йўли танланди. Шу орқали аҳоли даромади ва турмуш даражасини юксалтириш йўлида дадил қадамлар ташланди.

Узоққа бормайлик, куни кеча давлатимиз раҳбари кичик ва ўрта бизнес вакиллари билан учрашди. Унда аҳолининг даромадини ошириш, иш ўринлари яратиш, қийналган оилаларга, хотин-қизларга кўмак бериш каби кўплаб масалалар ўртага ташланди. Уларга ечим сифатида ҳаётбахш ғоя ва ташаббуслар илгари сурилди. Аслида, ана шундай кенг кўламадаги ўзгаришлар сабаб янги Ўзбекистонда бугунгача кўплаб замонавий sanoat мажмуалари, инфратузилма ва логистика тармоқлари, автомобиль ва темир йўллар барпо этилмоқда. Бизнес, IT ва туризм соҳалари жадал ривожланмоқда. Бундан ташқари, минглаб янги иморат ва уй-жойлар, боғча ва мактаблар, олийгоҳлар, шифохоналар, маданият ва спорт масканлари бунёд этилмоқда. Ҳатто олис қишлоқ ва овулларимиз ҳам шаҳарларимиз каби тобора гўзал ва обод бўлиб бормоқда.

Биргина мисол, шу йил қишнинг адоғида меҳнат сафари билан Самарқанд вилоятининг Кўшработ тумани Қувқалла қишлоғида бўлдим. Икки йил олдин ушбу олис тоғ бағридаги қишлоқда кўш қаватли замонавий бино тикланиб, болалар боғчаси очилди. Ташқарида совуқ шамол ва ёмғир аралаш қор забтига олган. Аммо ичкари иссиқ, болалар бемалол дарс қилиб, ўйин ўйнапти. Боғчага киришимиз мулаққат тасодиф бўлгани боис, ўша кунги иссиқ хоналар биз, меҳмонлар шарафига эмаслиги аниқ эди. Бундан, рост, қувондик.

“ Янги Ўзбекистонда бағрикенгликка ҳам, тижоратни юксалтириб, экологик мувозанатни сақлашга ҳам, умуман, тинчлик ва фаровонлик учун нима зарур бўлса, барчасига бирдек эътибор берилмоқда. Наврўз соғинчи ва аждодларимиз билан ўхшашлик деган фикримизда мана шундай ҳаётий ҳақиқатлар бор.



Юртимизда ижтимоий хизмат янги босқичга олиб чиқилди. Энди кўмак ва ғамхўрликка муҳтож инсонларни уйма-уй юриб аниқлаш, уларга комплекс ёрдам бериш тизими йўлга қўйилди. Бу каби мисолларни яна кўплаб санаб мумкин. Буларнинг бари биз айтмиш — инсон қадрининг улугланаётганидан далолат.

Яна бир муҳим жиҳат экологик масалалар ечими борасидаги ишлардир. Давлатимиз раҳбари ўз нутқида: “Яшил макон” умуммиллий лойиҳаси доирасида дийримида янги экологик муҳит яратилмоқда. Ҳар йили миллионлаб кўчатлар экиш, яшил боғлар барпо этиш, ҳайвонот дунёсини асраб-авайлаш, ҳар бир қарич ердан унумли фойдаланиш каби юксак экологик маданий қадриятлар қундалик ҳаётимизнинг ажралмас қисмига айланмоқда.

“Атроф-муҳитни асраш ва яшил иқтисодиёт” йили давлат дастури доирасидаги улкан ишларимиз бу жараёнларни янада юқори босқичга олиб чиқишига аминман”, деди.

Бу фикрларни тинглар эканман, “Янги Ўзбекистон” боғига кириш чоғида Ўзбекистон Экологик партияси раиси Абдушукур Ҳамзаев билан бўлган суҳбатни эслашман:

— Қаранг, қандай ажойиб кунларда яшаймиш! Давлатимиз раҳбарининг шахсан ўзи дарахт экипти, — дейди суҳбатдошим Президентимиз 20 март куни Тошкент шаҳрига ташрифи чоғида Бектемир туманида Атроф-муҳитни муҳофаза қилиш ва яшил иқтисодиёт” йили доирасида яратилган янги яшил ҳудудга кўчат экканини назарда тутиб.

— Биз, “яшил”лар партияси, умуман, табиати яхши кўрадиган Ўзбекистонликлар учун бу жуда катта бахт, — дея давом этади Абдушукур ака. — Наврўз ўзлгимизни эслатадиган байрамлиги рост. Бу улғ кунда ҳамма табиатга яқинлашади, кўчат экади, дарахтларни оқлайди, кўчаларни тозалайди, оз бўлса ҳам экологияга ёрдам беради. Янги Ўзбекистон олиб бораётган сиёсат ҳам наврўзона кайфиятга мос. Унда ҳар куни яхши янгиликлар, эзгу амаллар қилинмоқда. Буни билиш учун узоққа бориш шарт эмас, ана боққа кириб келаётган ёшларнинг кўзига қаранг!

Ҳа, янгилашиш, Наврўз ёшликка хос байрам. У том маънода ёшлик ва шижоат айёми! Кўкларда ўсимлик дунёси ниш уриб, қаттиқ ерни ёриб чиқади. Донишманд куёш ўз вақтида меҳр тафтини сочса, вақти-вақти билан кўкдан баракка ёмғирни ёғиб турса, яшил олам тез ривож олади. Мустаҳкам илдиэ отиб, мўл ҳосил беради. Ёшларга ҳам худди шундай меҳр ва эътибор керак.

Янги Ўзбекистон бугун дунёга истейдодли ёшлар ватани сифатида ҳам танилиб бормоқда. Биргина мисол, шу йилнинг 14 февраль куни давлатимиз раҳбари ёшлар билан мулоқот қилди. Унда сўз олган, қувониб ютуқларини айтиб берган, янги ғоя ва ташаббусларни илгари сурган

“Бизнинг кучимиз — бирлик ва аҳилликда, қудратимиз — Ватанга меҳр ва садоқатда, ютуғимиз — ўзимизга бўлган юксак ишончимизда!”.



йигит-қизларнинг кўплигини кўриб қувондик. Президентимиз ёшлар ютуқлари ҳақида ҳақли равишда фахр ила шундай сўзлади: “Азму шижоатли, истейдодли фарзандларимизнинг дадил ва мардона ҳаракатлари бутун дунёда катта акс садо бераётгани бизни бениҳоя қувонтиради”.

Дарҳақиқат, бугун барча соҳаларда — тадбиркорлик, ишлаб чиқариш корхоналари, илм-фан, маданият, адабиёт ва санъатда Ватанимизни дунёга тараннум этаётган ёшлар талайгина. Улар бирдан пайдо бўлиб қолгани йўқ. Балки бу ёшлар меҳнатларимиз, шунча қилинган ислохотлар, яратиб берилган имконият ва имтиёзлар самараси. Таъбир жоиз бўлса, улар янги Ўзбекистоннинг кўкка бўй чўзаётган азамат чинорлари. Энди улар янада ўсиб-улғайиши, Ватанимиз осмонда ёрқин юлдуз бўлиб порлаши учун кенг имкониятлар эшиги очилмоқда. Мана шу факторнинг ўзиёқ юртимизда Учинчи



Ренессанснинг пойдевори тобора мустаҳкамлашиб бораётганини кўрсатади. Олдимизга кўйган марраимиз банд, демак, бу борадаги ишлар янада жадаллик билан давом этиши табиий.

Юқорида инсон қадрини улуглаш учун муаммоларни жойларда ҳал этиш йўлга қўйилганини айтган эдик. Бунда, албатта, бошқарувнинг қадимий ва самарали институту бўлган маҳалланинг ўрни ва аҳамияти чексиз. Таъкидлаш керак, маҳалла янги Ўзбекистонда халқчил тизимга айлантирилди. Бир вақтлар фуқаролар маҳаллага бориб, дардини айтивермасди. Чунки имконияти чекланиб қолган бу тизим ўқитувчиларни пахта теришга чиқариш, турли маълумотномалар ёзишдан нарига ўтмасди. Бугун маҳалла фаоллари уйма-уй юриб, фуқаролар билан суҳбатлашиб, уларнинг муаммосини ҳал қилипти. Шу орқали бу институт, аввало, замонга мослашди. Муҳими, ўша мослашиш натижасида аслиятига қайтмоқда. Биламизки, қадимда

оқсоқоллар маҳалладаги барча муаммоларга ечим топган. Бугун ўша оқсоқоллик рутбаси “маҳалла еттилиги” кўринишида фаолият бошлади.

Бу халқимиз фитратиди яхшиликка, наврўзона туйғуларга ошфталлик борлигидан далолат. Улар ҳам янги Ўзбекистоннинг фидойи инсонлари каби бунёдкорлик руҳи билан яшаган. Шу боис, юртимизда амалга оширилаётган улкан ислохотлар ва жадал ўзгаришларнинг асл мазмуни ва эзгу ғоялари Наврўзга ҳамоҳанг, десак муболага бўлмайди.

сарҳади ва маънавият посбонларини кўз олдимга келтириб, Президентимизнинг ижодкорларга йўллаган мурожаатини эсладим.



“Азиз дўстлар, сизлар ноёб истейдодингиз, ақл-тафаккурингиз билан азалий қардошлигимизни, муштарақ қадрият ва урф-одатларимизни, эзгу интилишларимизни тараннум этадиган асарлар яратиб, ёшларимизни аини шу руҳда тарбиялашга ҳисса қўшсангиз, халқларимиз сизлардан албатта миннатдор бўлади.

Бундай баркамол ижод намуналари бугунги таҳликали даврда элларимиз, айниқса, ёш авлодларимизга мустаҳкам маънавий қалқон бўлиб хизмат қилиши шубҳасиз”, деди давлатимиз раҳбари.

Ҳозирги глобал дунёдаги мафкуравий хурружларга бардош бера оладиган авлодни тарбиялаш жуда муҳим. Бунда адабиёт ва санъатнинг ўрнини ҳеч нарса билан баҳолаб бўлмайди. Аини пайтда аҳиллик, шу халқ ва ватанга дахлдорлик ҳисси ҳам юқори бўлиши шарт. Аждодларимиз бизга Наврўз тимсолида ана шундай бағрикенглик ва аҳиллик руҳини мерос қолдирган. Шу боис, ушбу улғ айём юртимиздаги барча миллат ва элат вакиллари учун сеvimли, доим хуш кайфиятда қутиладиган умумхалқ байрамига айланган. Ана шу байрам шукуҳи кезиб юрган чоғда Президентимиз бутун халқимизга мурожаат қилди:

“Бизнинг кучимиз — бирлик ва аҳилликда, қудратимиз — Ватанга меҳр ва садоқатда, ютуғимиз — ўзимизга бўлган юксак ишончимизда!”.

Бирдамлик ва аҳиллик ҳақида гапирганда бевоcита халқро майдон, янги Ўзбекистоннинг ташқи сиёсати ҳам кўз олдимизга келиши табиий. Негаки бугунги глобал дунёда якка ҳолда ривожланиб бўлмайди. Яқинда давлатимиз раҳбарининг Францияга давлат ташрифи, икки давлат ўртасида эришилган тарихий натижалар, Президентимизга Франция Республикасининг энг олий мукофоти — Фахрий легион ордени берилиши жуда катта тарихий воқеа бўлди. Франция Президенти Эммануэль Макрон ўзбек тилида сўзлаши, ижтимоий тармоқлардаги расмий саҳифаларида фикрларини она тилимизда ёзгани юртдошларимиз қалбида фахр уйғотди. Буларнинг барчаси янги Ўзбекистон халқро майдонда ҳам ўз сўзи ва ўрнини тобора мустаҳкамлаб бораётганини англатади.

Шу ўринда концерт дастуридаги яна бир қувончли ҳолатни эслаш жоиз. Наврўз тантаналарида Туркия, Туркменистон, Озарбайжон, Қозоғистон, Қирғизистон, Тожикистон каби қардош ўлкаларнинг таниқли хонадалари қатнашди. Улар аввалига ўз тилида, сўнг санъаткорларимиз билан жўровоз бўлиб ўзбекча кўшиқ куйлади. Ўз халқлари номидан самимий табрик йўллади. Буни кузата туриб, беихтиёр “Қондошинг — жондошинг” деган ҳикматли сўз хаёлимда чарх урди.

Мана шу икки сўзда жуда катта маъно бор. Қондошлик руҳ бирлиги, жондошлик эса жисмдаги уйғунликдир. Яъни қондошлик жондошлик билан уйғунлашса, улар синовли кунларда бир-бири ҳақида бошқалардан кўра кўпроқ қайғуради. Шу боис, халқимиз: “Қоронғида қичқирсанг, қариндош товуш берад”, дейди.

Қондошлар ютуқлардан ҳам самимий қувона олади. Ҳасад бегона бўлади. Янги Ўзбекистоннинг дўстона, тенглик ва адолатга таянган ташқи сиёсати сабаб бугун қардош халқлар билан муносабатларимиз янги босқичга чиқди. Марказий Осиё руҳи пайдо бўлди. Лўнда қилиб айтганда, қардошларимиз билан жондош бўла бошладик.

Мақола аввалида минг йиллар аввал яшаган аждодларимиз билан ўхшашлигимиз — Наврўз соғинчи ҳақида айтган эдик. Янги Ўзбекистонда ана шу руҳ, ўхшашлик янада яққол кўзга ташланмоқда. Масалан, Бухорий ва Мотуридий каби болларимиз кенг тафаккур ва соғлом ақл билан иш тутишга, миллатлар ва динлараро бағрикенгликка чорлаган эди. Амир Темуру бобомиз эса бунёдкорлик ишлари билан мамлакатларини обод қилди. Дунёда тинчликни сақлашга жиддий қаради. Карвон йўлидаги савдо аҳли бир тангасини ҳам йўқотмай манзилга етишини таъминлади. Аини дам тижорат аҳлига кенг имконият яратиб берди. Буларнинг барчаси Наврўз ўзида жамлаган инсонийлик, эзгулик ва яратувчанлик ғояларига ҳамоҳанг.

Янги Ўзбекистонда бағрикенгликка ҳам, тижоратни юксалтириб, экологик мувозанатни сақлашга ҳам, умуман, тинчлик ва фаровонлик учун нима зарур бўлса, барчасига бирдек эътибор берилмоқда. Наврўз соғинчи ва аждодларимиз билан ўхшашлик деган фикримизда мана шундай ҳаётий ҳақиқатлар бор.

Булар “Янги Ўзбекистон” боғидаги сайил майдонларида ҳам ўз аксини топди. Алвон гуллар ва байроқлар билан безатилган майдончаларда миллий маданият марказларининг кўргазмалари ташкил этилди. Улар юртимиздаги тотувлик ва бой маданий хилма-хилликни намоен этди. Давлатимиз раҳбари ушбу кўргазмаларни ва фольклор-этнографик жамоаларнинг куй-қўшиқларини томоша қилди.

Ана шундай кўтаринки руҳда ўтган байрамдан қайтаётиб, уйимиз томон юрдим. Йўл четида олчапар қийғос гуллубди. Худди митти новдага бир парча бутунни қўндириб қўйганга ўхшайди. Беихтиёр бу оқлик кўнгилга кўчади. Ўша ёруғ туйғулар яна бир ҳикматни эслатади.

Ҳақим ат-Термизий “Наврўзнома” асарида ёзишча, Наврўз жума кунига тўғри келса, шодлик ва фаровонлик йили бўлар экан. Бу йил баҳорги тенгқунликнинг жума кунига, дуолар ижобат бўладиган муборак ойда ўтаётгани янада кўтаринкилик беради. Шунда руҳга, жисмга сигмайдиган, шەрий илҳомга ўхшаш завқни туясиз. Ислохотлар суръати Наврўз кунларида табиатдаги ўсиш ва ўзгаришга мос равишда кетаётганини ўйлаб, яна ўша шеър — “Наврўз кўшиги” ёдга тушади:

Лолалардан гар айтмадим, қир айтади,  
Қолганларин само айтар, ер айтади.  
Кўнглим очсам, ҳар тўёқ бир шеър  
айтади,  
Ростин айтсам, кўксимдаги дилим янги.

Боборовшан ҒОЗИДДИНОВ,  
“Янги Ўзбекистон” муҳбири





